

Informacija

Kantonsspital Baden AG
CH-5404 Baden

Ponašanje prije i nakon operacije u KSB

Anästhesie-Sprechstunde
Telefon +41 (0)56 486 31 46
ipas.chirurgie@ksb.ch

www.ksb.ch

Svojom saradnjom možete doprinijeti sprječavanju neugodnih propratnih pojava ili komplikacija do kojih može doći kod svakog postupka anestezije. Molimo Vas da doprinesete sprječavanju incidentnih situacija, tako što ćete se pridržavati sljedećih sigurnosnih pravila:

Neuzimanje tekućina i hrane

Ukoliko nije drukčije dogovoreno, važe sljedeća pravila za neuzimanje tekućina i hrane:

- Dolazak na dan operacije:
 - ☞ Do 6 sati prije dolaska smijete normalno jesti i piti.
 - ☞ Do 2 sata prije dolaska smijete piti još samo bistro tekućine (vodu sa/bez ugljene kiseline, zaslađen čaj / zaslađena kafa bez mlijeka/pavlake).
 - ☞ Iznimka: dozvoljeni su propisani lijekovi s gutljajem vode.
 - ☞ Pošto može doći do neplaniranih odgađanja u programu operacija, preporučujemo Vam da 2 sata prije ulaska popijete nekoliko čaša vode. To poboljšava Vaše stanje prije i nakon operacije.
- Dolazak jedan dan prije operacije:
 - ☞ Ukoliko nije drukčije dogovoreno, ne morate doći praznog želuca.

Lijekovi

- Kod lijekova koje uzimate ujutro slijedite upute anesteziologa.
- Ukoliko između preliminarnog razgovora s anesteziologom i termina operacije dođe do promjene Vaše medikacije ili Vašeg zdravstvenog stanja, molimo Vas da kontaktirate anesteziologa na broju 056 486 31 44.
- Ponesite sa sobom u bolnicu sve lijekove koje morate uzimati.

Nakit i dragocjenosti

- Ostavite kod kuće komade nakita koji se mogu skidati i druge vrijedne predmete.
- Ukoliko uprkos tome ponesete u bolnicu nakit i vrijedne predmete, oni za vrijeme zahvata moraju biti zaključani u osobnom ormariću u Vašoj sobi.
- Elektronski uređaji za zabavu i sredstva za rad skraćuju doduše bolničku svakodnevicu, ali se lako mogu izgubiti. Pažljivo odlučite!
- Uređaji za slušanje muzike (MP3-Player, mobilni smart telefoni u režimu letenja) smiju se nositi sa sobom u operacionu salu (OP) kod planirane regionalne anestezije. U slučaju gubitka ili štete odbija se svaka odgovornost.
- Piercing može dovesti do opekotina. Ostavite ga, ukoliko se može skinuti, kod kuće. U suprotnom morate na to upozoriti ljekarke i ljekare.

Pomagala za vid i sluh

- Naočarima i kontaktnim sočivima/lećama nije mjesto u operacionoj sali (OP), osim kod velike slabovidosti.
- Slušni aparati smiju se unositi u operacionu salu (OP) samo kod djelimične narkoze.
- U slučaju gubitka ili štete odbija se svaka odgovornost.

Higijena

- Molimo Vas da na operaciju dođete čisti (istuširani, uključujući čišćenje pupka), **ali nenašminkani i bez kreme / losiona za tijelo.**
- Makar na jednom prstu nemojte imati lak za nokte.

Zubne proteze

- Zubne proteze ili parcijalne proteze mogu se u toku operacije pomjeriti, izazvati ozljede, oštetiti se ili izgubiti.
- Iz tog razloga zubne proteze prije operacije treba odstraniti i ostaviti u specijalnoj posudi na odjeljenju na kojoj je napisano ime.

Dolazak na dan operacije

- Prijavite se u dogovoreno vrijeme na šalteru „Prijem pacijenata“ (Patientenaufnahme), tu ćete biti upućeni na Vaše odjeljenje, gdje Vas već očekuju, i bit ćete odvedeni u Vašu sobu.

Prije operacije

- Bolničko osoblje će provjeriti da li ste pili ili jeli i da li ste uzeli svoje neophodne lijekove.
- Molimo Vas da se nakon pospremanja Vaše odjeće i pribora presvučete.
- U dogovoreno vrijeme bit ćete odveženi u operacionu salu (OP).

Poslije operacije

- Poslije intervencije provest ćete neko vrijeme u prostoriji za buđenje uz striktan nadzor. Ako su krvni tlak/pritisak, srčana frekvencija i frekvencija disanja stabilni a bolovi dobro zaustavljeni, bit ćete prebačeni nazad na odjeljenje.
- Molimo Vas da blagovremeno javite ako osjećate bolove ili mučninu. To važi kako za vrijeme u prostoriji za buđenje tako i nakon toga na odjeljenju/u ambulanti. Što prije znamo kako se osjećate, to brže možemo reagirati.
- Za Vašu prvu mobilizaciju imaćete pomoć od strane stručne osobe za njegu. Molimo Vas da krevet ne napuštate samostalno

Pravila ponašanja poslije ambulantnih intervencija

- Već prema vrsti intervencije, moguće je da ćete istoga dana moći otići kući.
- Intervencija i naknadno djelovanje lijekova i anestetika privremeno će smanjiti Vašu sposobnost prosuđivanja i Vašu sposobnost reagiranja. Zbog toga je potrebno posebno se pridržavati sljedećeg:
 - Ostavite svoje motorno vozilo kod kuće, niti u kojem slučaju nemojte upravljati vozilom.
 - Neka Vas na izlasku iz bolnice sačeka odrasla osoba kao pratilac.
 - Tokom 24 sata nakon otpuštanja iz bolnice ne smijete upravljati vozilom, rukovati opasnim mašinama niti piti alkohol.
 - Ne donosite tokom 24 sata nakon otpuštanja važne odluke a pogotovo ne potpisujte dokumente koji Vas pravno obavezuju.
 - Privremeno odustanite od sporta ili teških fizičkih opterećenja.

Ukoliko kod kuće nastupe problemi kao npr. jaki bolovi, mučnina, nelagoda sa znojenjem i bljedilom ili ukoliko ste ustanovili krvarenje, javite se dežurnom ljekaru nadležne klinike (kirurgija, vaskularna kirurgija, ortopedija, urologija, ginekologija; povezivanje preko telefonske centrale 056 486 21 11).

Pristanak i potvrda

Dolje potpisani/potpisana potvrđuje da je gornje smjernice pročitao/la i razumio/jela. Za posljedice koje bi nastale zbog nepridržavanja ovih smjernica ne može se pozvati na odgovornost Kantonalna bolnica Baden AD.

Baden,
(Datum)

.....
(Potpis pacijentice/pacijenta ili zakonitog zastupnika)